



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԴԱՏԱՐԱՆ Ո Ր Ո Շ ՈՒ Մ

Գործը դատաքննության նշանակելու մասին

«16» ապրիլի 2024թ.

ք.Երևան

ՀՀ հակակոռուպցիոն դատարանի դատավոր Կ.Բադալյանս՝ քննության առնելով թիվ ՀԿԴ/0002/02/22 հակակոռուպցիոն քաղաքացիական գործով դատաքննություն նշանակելու հարցը.

Պ Ա Ր Զ Ե Ց Ի

ՀՀ գլխավոր դատախազությունը՝ ի դեմս ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության պետի տեղակալ Տ. Ենոքյանի 02/09/2022 թվականին հայցադիմում է ներկայացրել ՀՀ հակակոռուպցիոն դատարան՝ (այսուհետ նաև՝ «Դատարան») ընդդեմ Լյովա Ազատի Սարգսյանի և Արմինե Գումեդինի Հարությունյանի՝ ապօրինի ծագում ունեցող գույքի բռնագանձման պահանջի մասին:

Հայցադիմումը կից փաստաթղթերով դատավորի աշխատակազմին է հանձնվել 02/09/2022 թվականին:

Դատարանի 06/09/2022 թվականի որոշմամբ հայցադիմումն ընդունվել է վարույթ:

Դատարանի 17/10/2022 թվականի որոշմամբ հրավիրվել է նախնական դատական նիստ 15/11/2022 թվականին:

Նախնական դատական նիստի ընթացքում պատասխանող Արմինե Գումեդինի Հարությունյանի ներկայացուցիչ, փաստաբան Վ.Գրիգորյանը միջնորդություն է ներկայացրել դատավորին բացարկ հայտնելու մասին, որը Դատարանի 18/11/2022 թվականի որոշմամբ մերժվել է:

20/12/2022 թվականին տեղի ունեցած նախնական դատական նիստի ընթացքում հայցվորի ներկայացուցիչ՝ Տ.Ենոքյանը գրավոր միջնորդություն է ներկայացրել հայցի առարկան փոխելու մասին:

Դատարանը 17/01/2023 թվականին որոշում է կայացրել «Հայցի առարկան փոփոխելու միջնորդությունը բավարարելու և հայցի առարկայի փոփոխությունը թույլատրելու մասին»:

20/02/2023 թվականի նախնական դատական նիստի ընթացքում պատասխանող Արմինե Գումեդինի Հարությունյանի ներկայացուցիչ, փաստաբան Ա.Մակինյանը ներկայացրել է միջնորդություն՝ գործով նախագահող դատավորին բացարկ հայտնելու մասին, որը Դատարանի 20/02/2023 թվականի որոշմամբ մերժվել է:

05/05/2023 թվականի դատական նիստի ընթացքում Արմինե Գումեդինի Հարությունյանի ներկայացուցիչ Վահագն Գրիգորյանը ներկայացրել է միջնորդություն հայցային վաղեմություն կիրառելու մասին, որը Դատարանի 25/05/2023 թվականի որոշմամբ մերժվել է:

14/09/2023 թվականին պատասխանող Արմինե Հարությունյանի ներկայացուցիչ, փաստաբան Վ.Գրիգորյանը ներկայացրել է հակընդդեմ հայցադիմում, որի ընդունումը Դատարանի 15/09/2023 թվականի որոշմամբ մերժվել է:

03/10/2023 թվականին տեղի ունեցած նախնական դատական նիստի ընթացքում պատասխանող Արմինե Գումեդինի Հարությունյանի ներկայացուցիչ, փաստաբան Վ.Գրիգորյանը ներկայացրել է միջնորդություն հայցային վաղեմություն կիրառելու մասին, որը Դատարանի 03/10/2023 թվականի որոշմամբ մերժվել է:

վերաբերյալ միջնորդություն: Նույն դատական նիստի ընթացքում երրորդ անձ «Դիպօլ» ՍՊ ընկերության ներկայացուցիչ Ստեփան Նավասարդյանի կողմից ներկայացվել է հայցային վաղեմություն կիրառելու վերաբերյալ միջնորդություն: Նշված միջնորդությունները Դատարանի՝ նույն դատական նիստի ընթացքում կայացված արձանագրային որոշումներով մերժվել են:

03/10/2023 թվականին տեղի ունեցած նախնական դատական նիստի ընթացքում պատասխանող Արմինե Գումեդինի Հարությունյանի ներկայացուցիչ, փաստաբան Վ.Գրիգորյանի կողմից ներկայացվել է արտոնագրված հաշտարարություն նշանակելու վերաբերյալ միջնորդություն, որը 16/10/2023 թվականին Դատարանի կողմից կայացված արձանագրային որոշմամբ մերժվել է:

04/10/2023 թվականին պատասխանող Արմինե Հարությունյանի ներկայացուցիչ, փաստաբան Վ.Գրիգորյանը Դատարանի 15/09/2023 թվականի «Հակընդդեմ հայցադիմումի ընդունումը մերժելու մասին» որոշման դեմ ներկայացրել է վերաքննիչ բողոք, որը ՀՀ վերաքննիչ հակակոռուպցիոն դատարանի 29/11/2023 թվականի որոշմամբ մերժվել է:

01/12/2023 թվականին Դատարանը որոշում է կայացրել ապացուցման պարտականությունը բաշխելու մասին:

05/12/2023 թվականին պատասխանող Արմինե Հարությունյանի ներկայացուցիչ, փաստաբան Վ.Գրիգորյանը ներկայացրել է հակընդդեմ հայցադիմում, որի ընդունումը Դատարանի 11/12/2023 թվականի որոշմամբ մերժվել է:

07/12/2023 թվականին պատասխանող Արմինե Հարությունյանի ներկայացուցիչ, փաստաբան Վ.Գրիգորյանը Դատարանի 11/12/2023 թվականի «Հակընդդեմ հայցադիմումի ընդունումը մերժելու մասին» որոշման դեմ ներկայացրել է վերաքննիչ բողոք, որը ՀՀ վերաքննիչ հակակոռուպցիոն դատարանի 30/01/2024 թվականի որոշմամբ մերժվել է:

Նախնական դատական նիստերի ընթացքում իրականացվել են ՀՀ քաղաքացիական դատավարության օրենսգրքի 167-րդ հոդվածով նախատեսված՝ գործը դատաքննության նախապատրաստելու համար կատարվող բոլոր գործողությունները, հետևաբար գործը նախապատրաստված է դատաքննության:

ՀՀ քաղաքացիական դատավարության օրենսգրքի 174-րդ հոդվածի 1-ին մասի համաձայն՝ Դատարանը, համարելով գործը դատաքննության նախապատրաստված, որոշում է կայացնում նախնական դատական նիստն ավարտելու և գործը դատաքննության նշանակելու մասին, որում նշվում են դատական նիստի ժամանակն ու վայրը:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 167, 174 և 199-200-րդ հոդվածներով՝

Ո Ր Ո Շ Ե Ց Ի

Թիվ ՀԿԴ/0002/02/22 հակակոռուպցիոն քաղաքացիական գործով նախնական դատական նիստն ավարտել, գործը նշանակել դատաքննության 2024 թվականի մայիսի 31-ին, ժամը 10:00-ին՝ ՀՀ հակակոռուպցիոն դատարանի Երևանի նստավայրում (*հասցե՝ ք.Երևան, Թբիլիսյան խճուղի 3/9, 2-րդ հարկ, դահլիճ 8*):

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ



Կ. ԲԱԴԱԼՅԱՆ